

2 PETERO

Pepa Petero ñgere muli panzi kalo-tawana tamâta

Yesu ne pâri-tamâta Petero ñgere ñgua panzi Juda tamâta ñinde kalonzi tawana Yesu ku simo pwapwataki (1 Petero), aku zo pinde ilâ lâ, ñineña ñgere ñgua pinde panzi kilo. Petero ne zo ñana imâte kê nde imâ ipânga laiti lâ (1:14), aku isama tu kinzi pananâña tamâta lañeña pinde nde simo kinzi ñgu ñgininzi, ku situla ilo-kalo soki-soki siyaula tamâta nenzi kalo-tawana. Kinzi pinde siporo tu Yesu ma itaulo imâ kilo tia, andeta Petero itula ñgua mao tu Yesu ne zo nde ikeno mo ñai yo (3:3-13). Ara ñana kinda rârâni ma tapu mulinda pa ñgua lañeña, ku tapaveta kuku Maro Kindeni kawa ñgua mao.

¹ Naña Saimon Petero, naña nde Yesu Kirisi ne wurâta tamâta, aku amo i ne pâri-tamâta tava. Yesu ina kinda nenda Maro Njalae wa nenda Yautâña Tamwata wa. Naña añgere ñgua lâ pepa ñine tini imâ pa miki kalo-tawana tamâta. Yesu Kirisi ne vetâña ara ikai nzâla piti pami lâ ñana nemi kalo-tawana ipânga kelekele ara ndo, itogo maka nema kalo-tawana mine. ² Kala ñine miki kasama Maro Kindeni ku nenda Maro Njalae Yesu rua kilalanzi marumbu lâ. Mine kala Maro Kindeni ne wisi-wisi wa wisi-pisi wa imâ ñjalae pami.

Maro Kindeni ipatea kinda pa i tamwata

³ Kirisi nde ŋa ŋalae ndo, aku ina vetâŋa ara warika. Aku inani isarâwa pa kinda ku itula i tamwata kilala pwataki pa kinda tasama lâ. Mine kala io tamwata ne walo kaika imâ pa kinda, kala takura tu tamo sondo ku tapaveta kuku vetâŋa arara, aku kinda ma taroto ŋana sâ tonŋe kilo ŋana tapavila warakânda kâ, ande ma tia. ⁴ ŋana i kilala ara ŋinde kâ, ande iveta vetâŋa arara kie-kie pa kinda lâ, ikura muŋga ipa ŋgua tu ma iveta mine. Aku vetâŋa ŋinde uru isuka kinda, kala takura tu tanŋenŋe ŋana vetâŋa potomule ne pazavaruŋa kâ, vetâŋani ndaina tamâta nenzi ilo-kalo sakamao iveta ipâŋga tâno kulu. Mine kala kinda takura tu tamo sondo ndo, itogo Maro Kindeni imo mine.

⁵ Kirisi iveta vetâŋa ŋinde rârâni pa kinda lâ. Mine nde ara ŋana miki ma kakai wurâta kaika ndo ŋana kalomi tawana i mao nâ. Kaveta mine lâ ŋga, ŋinenŋa kakai wurâta kaika ŋana kapaveta kuku vetâŋa arara. Kaveta mine lâ ŋga, ŋinenŋa kakai wurâta kaika ŋana kapanâna sondo ŋana i ne ilo-kalo kâ. ⁶ Kaveta mine lâ ŋga, ŋinenŋa kakai wurâta kaika ŋana kakai poe sondo pa warakami ilomi kalomi. Kaveta mine lâ ŋga, ŋinenŋa kakai wurâta kaika ŋana kamandi kaika lâ zo ndia malia ipâŋga pami. Kaveta mine lâ ŋga, ŋinenŋa kakai wurâta kaika ŋana kamo itogo Maro Kindeni ilo papa mine. ⁷ Kaveta mine lâ ŋga, ŋinenŋa kakai wurâta kaika ŋana kaveta kemi ara nâ panzi nimi-nambwe kalo-tawana tamâta. Kaveta mine lâ ŋga, ŋinenŋa kakai wurâta kaika ŋana kao ilomi ndo ilo panzi tamâta rârâni. ⁸ Aporo ŋgua

mine nana duvi nîne kâ; ambo vetânga mine ma ikeno pami lee ipângga nalaie tina, ande ninde ma isuka nemi wurâta kaveta pa nenda Maro Nalae Yesu Kirisi kâ. Mine nde nemi wurâta ninde ma ipângga kanaŋo, aku miki ma kasama i kilala sondo tona. ⁹ Ambo kalo-tawana tamâta tonje ma ipaveta kuku vetânga ninde tia, ande i imo itogo tamâta mata naŋa mine. I ipângga tamâta mata leva-leva nâ, aku i kalo kapa tu Maro Kindeni muŋga izavaru kiesaka ne muso piti lâ i tini.

¹⁰ Niŋgu-nambwe wukale, Maro Kindeni muŋgani isarawami lâ, aku ipateami pa i tamwata nâ. Mine nde ara nana miki ma kakai wurâta kaika nana kaponu muli pa i ne pateânga ninde. Ambo miki ma kaveta mine, ande nemi kalo-tawana ma ikura nana imbe kâ, ande tia. ¹¹ Ninennga Maro Kindeni ma ilo ndeka pami ku ma ikai nzâla piti pami nana kakai via mao lâ samba lawea. Aku miki ma kamo kuku nenda Maro Nalae Yesu Kirisi, ina nenda Yautânga Tamwata, ma kamo ara mine ku kamo nâ.

¹² Mao nâ, miki kapanâna lâ nana kelekele ninde kâ, aku miki kapaipa lâ kuku ngua mao muŋga kaloŋo ninde. Andeta naŋa ma aporo nguani ndaina pami kilo ikura zo zo, nana miki ma kalomi ngere kilo nana ninde kâ. ¹³ Naŋa ilonngu pateu tu ambo naŋa ma akai wurâta mine nana apaŋo ilomi kalomi ikura zo rârâni naŋa amo viânggu lâ tâno kulu, ande ninde ma ara. ¹⁴ Nana tu naŋa asama nîne; zo mbwana-mbwana nâ, ninennga naŋa ma apile karaenngu

ņine ku amâte. Nenda Maro Ņalae Yesu Kirisi itula űine pwataki pa naņa lâ. ¹⁵ Mine kala űine naņa ma aveta wurâta kaika ndo űana apaņo ilomi kalomi kâ. űineņga lâ zo űana amâte kâ, ande miki ma kakura tu kalomi űgere kilo űana űgua űine kâ ikura zo zo.

Kinzi pârî-tamâta simora Maro Kindeni ne sinâla pwataki lâ Yesu Kirisi tini

¹⁶ Muņga maka katula űgua pami űana Maro Ņalae Yesu Kirisi ne zo űana itaulo imâ kilo tava ne walo kaika. Andeta maka űandai katapârî tamâta nenzi usi kaa nâ pinde pami űga. Maka warakama matama kamora i ne walo kaika űinde. ¹⁷ Zo tonęe, kawa űgua ne sarawâņa iyoka pa Maro Kindeni ne sinâla űalae ilo ku indue imâ pa Yesu Kirisi mine tu, “Naņa natuņgu ara kala űine. Naņa tiningu mwasa papa wa ilonęu ndeka papa wa.” Aku lâ zoni ndaina, kinda Tamânda Maro Kindeni isuka Yesu Kirisi űa kâki, aku Yesu tini pasinala. ¹⁸ Maka warakama kalonęo űgua űinde ne sarawâņa iyoka pa samba ilo indue imâ, lâ zo űinde maka kamo kuku Yesu lâ tuu sapâņa űinde kulu.

¹⁹ Mine nde maka kasama tu űgua-tulâņa tamâta muņęâņa nenzi űgua űinde nde mao kanaņo. Aku ara űana miki kala ma kalomi tawana űgua űinde mine nâ. űgua űinde nde itogo sinâla űana ipane kondoma pwataki kâ. Aku sinâla űinde ma isinala nia mine lee mbwale pwataki, űineņga pitu mboi űalae ma ipâņga ku

ma isinala ilomi kalomi. * ²⁰ Miki ma kapanâna sondo ndo ñana ñgua ñine kâ, ñana tu ñine nde kelekele ñalae tina; singani, lâ zo ñinde kinzi ñgua-tulâña tamâta siporo ku singere nenzi ñgua lâ pepa tini, ande kinzi warakanzi sikura ñana situla ñgua ñinde ne duvi pwataki, ande tia. ²¹ Andeta Koroani Sapâña ikai poe pa kinzi ñgua-tulâña tamâta ilonzi kalonzi, kala situla Maro Kindeni kawa ñgua. Kinzi ñandai sikai poe pa warakanzi ilonzi kalonzi ñineña situla ñgua ñga. Tia ndo kanaño.

2

Kinzi tamâta sakamao pinde siyaulanzi kalo-tawana tamâta ilonzi kalonzi

¹ Mao nâ, muñga ñgua-tulâña tamâta lañeña pinde simo lâ Isrel ñgu ñgininzi. Aku mine nâ, pananâña tamâta lañeña pinde ma simâ sipâña miki ñginimi tona, aku ma sikai lañeña nâ sipanananzi tamâta ñana Maro Kindeni ne vetâña kâ. Kinzi ma sipavea nâ situla ñgua lañeña kaña-kaña ñana sizavaru ilomi kalomi kâ. Maro Ñalae muñga iyautenzi pananâña tamâta ñinde piti lâ kondoma ilo, andeta kinzi sipu mulinzi pa Maro Ñalae kilo. Mine nde Maro Kindeni ma muli izavarunzi walele nâ. ² Andeta kalo-tawana tamâta rârâ ma sipaveta kuku pananâña tamâta lañeña ñinde nenzi vetâña potomule kie-kie. Mine kala tamâta pinde ma siporo ñgua soki-soki ñana Nzâla Mao kâ. ³ Kinzi pananâña tamâta lañeña ñinde ilonzi

* **1:19** 19 Petero isia ñgua ñana Yesu Kirisi kâ lâ Pitu Mboi tini.

yosi nana tano ne kekelele na. Mine kala kinzi ma siveta ngua lajeja raru nana sikai nemi mbaliya wa kekelele sajemi. Andeta singani Maro Kindeni ipatea tu ma izavarunzi tamata njinde ndo. Aku i ndai ikeno mata nga. I ma iveta panzi ikura munga ipa ngua tu ma iveta mine.

⁴ Miki kasama tu munga, kinzi anjelo pinde siveta kiesaka, aku Maro Kindeni igera kinzi tia ndo. Itambiranzi sila ya njalae ne mbai ilo, aku ipanzi la walo kaika tini. Kinzi uru simo mine la nia naja ilo, aku sindaje Maro Kindeni ne zo njalae nana ipare nia sondo panzi ka. ⁵ Aku miki kasama tu nia ndoyo, tamata raru simo siveta vetaja sakamao na la Maro Kindeni nao. Mine kala ipare nia panzi la. Iveta pondi njalae ipanga panzi ku izavarunzi ndo la, kala naonzi tia la. Anja timbunda Noa, i tamata nana itula ngua pwataki nana vetaja ara ka, ande Maro Kindeni ikeja nana i tavanzi tamata lima kanzonzi rua, kala kinzi njinde na simo ara. ⁶ Aku miki kasama tu muli, Maro Kindeni ipa ngua nana izavaru Sodom lawea wa Gomora lawea wa. Isupwa ya indue ima ikananzi lawea rua njinde, kala ka na ikeno. I ilo tu kinzi tamata sipanga muli-muli njinde ma kalonzi ngere nana masi njalae njinde munga ipanga pa Sodom lawea nga Gomora lawea. Ambo kinzi kala ma sipu mulinzi pa i, ande masi kie mine ma ipanga pa kinzi tona. ⁷ Anja Loto, i nde tamata ara ndo la Maro Kindeni nao, ande i munga imo Sodom lawea. Imora vetaja potomule kie-kie kinzi tamata sakamao njinde siveta, kala ilo

malia ndo. Mine kala Maro Kindeni ikea nana Loto, kala imo ara nâ. ⁸ Loto nde tamâta ara lâ Maro Kindeni nao, taitu i imo kunzi tamâta simo Sodom lawea, aku ikura zo zo imora nenzi mâsi sakamao wa ilonjo nenzi ngua soki-soki wa. Mine kala i ilo kura tia ndo, aku kalo loko nâ. ⁹ Miki kasama lâ nana vetâna ninde rârâni. Aku ninde itula pwataki tu lâ zo ndia samâna wa malia mine ma ipânnga panzi tamâta, ande Maro Nalae uru ikea nananzi tamâta ea kalonzi tawana i. Annga kinzi kiesaka tamwatanzi, ande Maro Nalae ikainzi kaika ku nâna ilanzi lee, ikura lâ zo nalae ninde i ma ipare nia sondo panzi. ¹⁰ Aku lâ zo ninde, tamâta pinde ma sikai parena-nia sakamao nalae tina. Nana aporo nananzi tamâta ninde sipono muli pa ilo-kalo sinnga ne mâsi sakamao, ku simora tukuja rârâni tu kelekele kaa nâ.

Ayo, pananâna tamâta lanena pinde nde simâ sipânnga lâ, kala simo nginimi. Kinzi nde tanakaika tamwatanzi, aku sipaveta kuku warakanzi nenzi pateâna nâ. Mine kala kinzi nandai simege nananzi anjelo arara ninde simo samba ilo nga. Kinzi siporo ngua pavaligina nâ panzi. ¹¹ Taitu anjelo ninde nenzi walo kaika nde nalae ndo, ipolenzi pananâna tamâta lanena ninde nenzi walo. Andeta kinzi anjelo simege nana Maro Nalae kâ. Mine kala kinzi nandai siporo soki ku sisowe ngua lâ tamâta ninde tininzi lâ Maro Nalae nao nga. ¹² Annga pananâna tamâta lanena ninde nde sitogonzi ngoa ngoi, nenzi ilo-kalo tia ndo. Ambo ilonzi igagatinzi tu siveta vetâna tonje, ande ma siveta nâ. Vetâna ara

ndia kinzi sizizâla nana, ande kinzi siporo ngua pavaligiņa lâ ninde tini. Muli nga Maro Kindeni ma ikainzi tamâta ninde kaika ku ma izavarunzi ndo lâ, itogo uru taveta panzi ngoa ngoi mine.

¹³ Kinzi uru nâna silanzi tamâta pinde. Mine nde muli Maro Kindeni ma itu nana nenzi vetâņa ninde, aku ma nâna ilanzi. Kinzi sindeka nana sika wa sinu nala tina lâ tamâta naonzi, aku mainzi tia ndo. Mao nâ, kinzi sindeka nana sika potomule mine nâ kuku miki. ¹⁴ Ikura zo zo, ambo kinzi matanzi ilâ simora taine tonje, ande ilonzi ndo tu ma sipalulua tininzi kuku i. Kinzi uru ilonzi yosi mine ku simo nâ. Kinzi uru siporo silanjenzi tamâta pinde, kinzi ninde nenzi kalotawana ikeno kaika tia, aku silele tamâta ninde naonzi ilâ tu siveta kiesaka. Kinzi ilonzi ndo nana sikai tamâta pinde nenzi kelekele sanjenzi kâ. Mine kala Maro Kindeni ma izavarunzi pananâņa tamâta lanjeņa ninde ndo lâ.

¹⁵ Kinzi sipile vetâņa ara ne nzâla marumbu lâ, kala soka potomule silâ wa simâ wa. Kinzi sipono muli pa Beor natu Balam ne vetâņa. Munja, Balam iveta kiesaka, aku ilo yosi nana mbumbu ikai lâ kiesaka ninde tini. ¹⁶ Iveta mine lee, ninenja zo tonje “donki” tonje kawa ipwa, kala iporo ngua itogo tamâta mine. Donki ninde imbita Balam nana i ne vetâņa sakamao ninde kâ. Kinda tasama tu kinzi donki sikura tu siporo ngua, ande tia. Mine kala ngua-tulâņa tamâta lanjeņa Balam imora mâsi nala ninde, aku ipile ne vetâņa kapa-kapa ninde.

¹⁷ Kinzi pananâņa tamâta lanjeņa ninde nde sitogo lââ bwalika ipânja mâsa-mâsa ndo

mwasina. Aku sitogo take-take karâzi ikeno ilo, andeta lawea itapala ilâ kala karâzi imbe tia.

* Maro Kindeni ipatea nia kondoma njanja ndo pa kinzi tu ma silâ simo nia njinde. ¹⁸ Nana tu tamâta njinde kawanzi njalae sisuka warakanzi njanzi kâki, aku sindeka nâ njana nenzi njgua kaa kaa njinde. Kinzi siporo njgua mâru-mâru silanjenzi tamâta pinde, kala ilonzi kâki njana sipalulua tininzi potomule kâ. Kinzi sitapanzi kalo-tawana tamâta wasaseki pinde, kinzi njinde munja nâ sipile tinikoa nenzi mâsi sakamao. Kinzi ilonzi tu kalo-tawana tamâta wasaseki njinde nenzi kalo-tawana ma imbe ndo.

¹⁹ Pananâja tamâta lanja njinde uru siporo mine tu, “Ambo miki ma kapalono pa maka, ande miki ma kamo tinimi soo nâ, aku ma kakura tu kaveta vetâja ndia warakami nâ ilomi papa.” Andeta kiesaka ne nimbu nde ikainzi kaika lâ, kala simo sakamao nâ. Njinde nde duvi mine; ambo tamâta tonje isâu pa kelekele tonje tu ikai poe kaika papa i, ande njinde itogo iveta wurâta koa tia nâ pa kelekele njinde. ²⁰ Pananâja tamâta lanja njinde munja kalonzi tawana nenda Maro Njalae Yesu Kirisi, ina nenda Yautâja Tamwata, aku nenzi kalo-tawana njinde ivilanzi tu sinjenje njana tâno ne vetâja sakamao kâ. Andeta muli nga sipaveta kuku vetâja sakamao njinde kilo, kala vetâja sakamao njinde ne nimbu nde ikainzi kaika ku ipu nenzi walo ndue lâ. Munja, lâ zo

* **2:17** 17 Njgua siâja njine nde duvi mine; pananâja tamâta njinde siporo tu ma sivilanzi tamâta, andeta njandai sivilanzi nga.

ņinde kinzi sizizâla yo ņana Kirisi kâ, ande kinzi simo ara tia. Taitu vetâņa sakamao ņinde ne nimbu nde ipanzi kaika kilo, kala simo sakamao ndo. ²¹ Ambo pananâņa tamâta laņeņa ņinde sizizâla yo ņana nzâla ara kâ, ande ņinde ma ara tia. Taitu kaloņo ņga; kinzi siloņo pâri ara ku sisama nzâla ņinde kilala pwataki lâ, aku sipono muli pa Maro Kindeni ne tukuņa. Andeta muli, kinzi sipu mulinzi pa nzâla ņinde kilo, aku ņinde nde ara tia ndo.

²² Kinzi nenzi vetâņa mine nde iyoke ņgua pinde tamâta uru siporo. Țgua tonģe nde keno mine; “Ambo mbwâmbwa ilua, ande i ma itaulo ika ne luâņa ņinde kilo.” Aņģa ņgua tonģe kala ikeno mine; “Ambo ņgoa ilili lâ lââ ilo, ande i ma itaulo kilo ku ipu ndumu lâ nziņa ilo.”

3

Țgua ņine nde mao kanaņo; Maro Țalae ma itaulo imâ kilo

¹ Niņģu-nambwe wukale, naņa muņģa aņģere ņgua lâ pepa tonģe tini ku ao imâ pami, kala ņine aņģere ņgua pinde lâ pepa tini kilo imâ pami. Lâ pepa rua ņine, ande naņa aņģere ņgua ņana apano ilomi kalomi kâ, ņana miki ma kalomi ņģere kilo ņana ņgua mao wa ilo-kalo ara wa. ² Naņa ilonģu tu miki ma kalomi ņģere kilo ņana ņgua ņinde Maro Kindeni ne ņgua-tulâņa tamâta muņģa situla. Aku naņa ilonģu tu miki ma kalomi ņģere kilo ņana Maro Țalae ne tukuņa tona, ina nenda Yautâņa Tamwata. Muņģa kinzi pâri-tamâta simâ pami ku situla ņgua tukuņa ndainani nâ pami kaloņo lâ.

³ Naŋa ilonŋu tu miki ma kalonjo ŋgua ŋine sondo; muli ŋga, ande tamâta pinde ma simâ sipâŋga. Kinzi tamâta ŋinde ma sipaveta kuku vetâŋa sakamao ndia ilonzi papa ŋinde. Kinzi ma siporo ŋgua pavaligiŋa pami mine tu, ⁴ “Yesu muŋga iporo tu i ma itaulo imâ kilo, a? Ande imo ndia, a? Yoo, i ma itaulo imâ kilo tia! Nia ndoyo, lâ zo ŋinde tâno ipâŋga wasaseki, aku imâ lee ikura lâ zo ŋinde timbunda simâte lâ, aku lâ zo ŋine wa, ande vetâŋa wasaseki tonje kie mine ipâŋga tia ndo.” ⁵ Tamâta ŋinde tininzi pwâka tu kalonzi ŋgere sondo. Mine kala kinzi kalonzi kapa ŋana ŋine kâ; nia ndoyo, Maro Kindeni iporo ŋgua kala ipulianzi samba tava tâno sipâŋga lâ. Ikai lââ ku iveta tâno, ŋineŋga io tâno kâki ipâŋga lâ lââ ŋgini. ⁶ Aku muli, ŋineŋga Maro Kindeni ikai lââ ndainani nâ ku iveta pondi ŋalae ikâki ipaŋando tâno ku iyaula tâno ndo lâ. ⁷ Kala lâ zo ŋine, ande Maro Kindeni kawa ŋgua ndainani nâ uru ikatona samba wa tâno wa. I ma iveta mine lee, ikura lâ zo ŋalae ŋana i ma ipare nia panzi tamâta ea sipu mulinzi pa i, aku ma izavarunzi ndo lâ. Aku lâ zoni ndaina i ma isupwa yââ ikananzi samba wa tâno wa, kala naonzi tia lâ.

⁸ Niŋgu-nambwe wukale, lâ Maro ŋalae nao, ande kari taitu mai nâ nde zo luandondo, itogo mbwera 1,000 mine, aŋga mbwera 1,000 nde zo mbwana-mbwana nâ, itogo kari taitu mai nâ mine. Miki ma kalomi ŋgere sondo ŋana ŋinde kâ, aku kalomi kapa ndimo. ⁹ ŋana tu tamâta pinde ilonzi patea tu Maro ŋalae uru iveta ne ŋgua pâŋa ipâŋga kanaŋo walele tia,

aku situ ñinde nde soki. Andeta tia. I tini pwâka tu tamâta taitu ma ipayaula. I ilo tu kinzi tamâta rârâni taitu-taitu ma sipalele ilonzi kalonzi ku kalonzi tawana i. Mine kala i kalo sukâña ñananzi ku imo io tini nâ.

Samba wa tâno ma naonzi tia lâ

¹⁰ Taitu Maro Ñalae ne zo ñana itaulo imâ kilo kê, ande ma imâ ipânga itogo nanzare tamâta uru imâ ipânga mine. Lâ zo ñinde, ande nduñeña ñalae tina ma ipânga, aku samba ma nao tia lâ. Aku yââ ma ikananzi pitu rârâni marumbu lâ. Anğa tâno tava kelekele ndoni ikeno tâno kulu, ande ñinde ma marumbu ndo.

¹¹ Miki kalomi ngere sondo nga! Vetâña mine ma izavaru kelekele rârâni ñinde, kala ma naonzi tia lâ. Mine kala lâ zo ñine, ande miki ma kamo tamâta mana, a? Ara ñana miki ma kapasakana ilomi kalomi sondo ku kapaveta kuku vetâña rârâni Maro Kindeni ipatea ku itula pami ñinde. ¹² Ara ñana miki ma kao tinimi nâ ñana Maro Kindeni ne zo ñana imâ ipare nia panzi tamâta kê. Aku ara ñana miki ma kapasusua zo ñinde tu imâ ipânga walele nâ. Lâ zo ñalae ñinde, ande yââ ma ikana samba marumbu lâ, aku yââ ne mela-mela kaika ma ikananzi pitu rârâni tona. Mine kala pitu ñinde ma sipânga sitogo lââ mine. ¹³ Andeta Maro Kindeni ne ngua pâña ikeno mine tu i ma muli ipulia samba wa tâno wasaseki. Aku lâ tâno wasaseki ñinde, ande tamâta rârâni ma sipono muli mao nâ papa i. Kinda uru tao tininda nâ

ņana Maro Kindeni ne ņgua pāņa ņinde tu ma ipāņga kanaņo.

Ara ņana kinda ma tapakatona sondo ku tao tininda ņana Maro ņalae kâ

¹⁴ Niņgu-nambwe wukale, miki uru kao tinimi nâ ņana Maro Kindeni ne zo ņalae ņinde ņana imâ ipāņga kâ. Mine nde ara ņana miki ma kakai wurâta kaika ņana kapakatona warakami nemi ilo-kalo sondo kâ. Ambo miki ma kaveta mine, ņineņga lâ zo ņalae ņinde, ande miki ma kamandi lâ Maro Kindeni nao tava ilomi mbârambâra nâ. I ma imora soki wa kiesaka tonĵe ikeno tinimi, ande tia. Mine kala i ne wisi-nâna ma ikeno pami tia ndo. ¹⁵ Miki kalomi ņgere ņana ņine kâ; Maro ņalae uru io tini pa kinda tu tapalele ilonda kalonda, ņana tu i ilo tu iyaute kinda rârâni piti lâ kondoma ilo. Muņga, Maro Kindeni itula ilo-kalo ara pa ninda-nambwe Paulo, kala iņgere ņgua kaņa taituni nâ imâ pami lâ. ¹⁶ Lâ i ne pepa rârâni, ande Paulo uru iņgere ņgua kaņa taituni mine ņana zo ņalae ņinde kâ. Mao nâ, zo pinde Paulo ne ņgua katiņe ne duvi ņandai ikeno nia yo ņga, kala taroto ņana ņgua ņinde ne duvi. Mine kala tamâta pinde uru situla ņgua ņinde ne duvi soki-soki. Kinzi tininzi pwâka tu sisama ņgua ņinde duvi, aku nenzi kalo-tawana nde kaika tia. Kinzi sikai Maro Kindeni kawa ņgua rârâ ikeno lâ pepa tini, aku silele soki-soki mine nâ. Mine nde lâ Maro Kindeni ne zo ņalae ņinde, ande i ma izavarunzi tamâta ņinde ndo lâ.

¹⁷ Niŋgu-nambwe wukale, miki kasama lâ ŋana pananâŋa tamâta laŋeŋa ŋinde nenzi vetâŋa. Mine nde kapakatona warakami sondo ŋga. Tia ma pananâŋa tamâta sakamao ŋinde silaŋemi ku sisowe ilomi kalomi, kala nemi kalotawana ma imbe tâ. ¹⁸ Kinda nenda Maro Ŋalae Yesu Kirisi, ina nenda Yautâŋa Tamwata, ande uru io ne wisi-wisi imâ pami, aku miki kasama i kilala marumbu lâ. Ara ŋana miki ma kakai wurâta kaika ŋana kapanâna sondo ndo ŋana ŋinde kê. Tapanea Yesu Kirisi tasuka i ŋa kêki ikura zo zo! Mao.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 4 Mar 2023 from source files dated 22 Nov 2019

b3b81168-89df-5bc3-8b0c-cf72ef93d3de